

**Tertia Seraphica Vinea, Sive Tertius Ordo De Poenitentia
à S.P.N. Francisco institutus**

Pauck, Engelbert

Coloniae, 1720

Num. 22. Duæ Apostolicæ Constitutiones ad Prælatos totius Ordinis
directæ, & ab Innoc. XI. confirm[a]tæ, circa munus Prædicationis FF.
Minorum.

[urn:nbn:de:hbz:466:1-64103](#)

tra Regulam non agerent. Consentit Sanct. loco citato.

Duæ, Constitutiones Apostolicæ:

INNOCENTII Papæ XI.

Ad Prælatos Ecclesiasticos Orbis directæ; quas ipse confirmavit in Brevi Ecclesiæ Catholice circa munus Prædicatio-
nis Fratrum Minorum. *Ex Directorio
trium Ordinum f. 104. & f.*

275. n. 135.

XXII. **G**regorius IX. Episcopus, Servus Ser-
vorum Dei. Venerabilibus Fratribus,
Archis, Episcopis, & Episcopis, & dilectis
Filiis, Abbatibus, Prioribus, Decanis, Ar-
chi-Diaconis, & Plebanis, Archi-Presbyte-
ris, & aliis Ecclesiarum Prælatis, ad quos
litteræ istæ pervenerint, Salutem, & Apo-
lolicam Benedictionem.

Quoniam abundavit iniquitas, & refrixit
charitas multorum; sacrum Ordinem dilec-
torum Filiorum, Fratrum Minorum Domi-
nus suscitavit, qui non quæ sua, sed quæ
sunt Christi, quærentes, tam contra profili-
gandas Hærekes, quam contra alias pestes
mortiferas extirpandas, se dedicaverunt
Evangelizationi verbi Dei, in abjectione vo-
luntariæ paupertatis. Nos igitur sanctum
eorum Propositum, & necessarium mini-
sterium favore benevolo prosequentes, Uni-
versitati vestræ eos affectuosè duximus com-
mendandos, rogantes, & exhortantes in Do-
mino, ac per Apostolica vobis Scripta man-
dantes: quatenus dilectos Filios, Fratres
ejusdem Ordinis, pro Reverentia divinâ,
& Nostrâ, ad Officium prædicandi, ad quod
ex professione sui Ordinis sunt deputati, be-
nignè recipere procuretis, populosque vo-
bis commissos, ut ex ore ipsorum verbi Dei
semen devotè tuscipient, admonentes, eti-
am ipsis in suis necessitatibus personaliter
assistatis, nec impediatis; quod minus illi,

C 3

qui

tres possint per se ipsos petere, recipere, con-
trectare, & expendere pecunias? Et res-
pondet affirmative; nimis, cum urget
necessitas, ut alio modo necessaria vitæ ha-
beri non possint. *Ex C. exiit. §. nec quicquam.*
Jus enim naturale & poli vocatum à Nicola-
lao Papa prævalet positivo. De quo *Sanctorus*
C. XII. stat. V. q. IV. verum respondet &
ex Statutis referr plures Pontifices, & tan-
dem Urbanum VIII. declarasse pro locis Ter-
rae Sanctæ, ubi fidelis Syndici copia haberi
non potest, qui illas recipiat, & expendat;
posse Guardianum, & de hujus licentiâ ali-
os Fratres pecuniam recipere, erogare, &
custodire, ut sarta recta Loca ad Dei glo-
riam conserventur. Subjungit *Marhen.* n.
43. juxtra hæc regulandos esse Missionarios
eosque, qui ad hæreticorum regiones vadunt,
ut eos ad Fidem convertant.

Quantum autem ad Fratres in locis Tur-
carum Parochias, & Sacraenta admini-
strantes Catholicis, n. Hi saepius sunt in necel-
litate pecunias tenendi; nam saepè coguntur
Barbaris munera conferre, & in itinere pe-
dagia solvere, ideoque in prædictis, aliis
que circumstantiis, supplicantibus Fratribus
Provinciæ Bosniæ, Argentinæ rescripsit S.
Congregatio in hæc verba: *Oratores obser-
vare posse solitum tutâ conscientiâ.* Ast si se-
cum ducere possint Tertiarium, vel habere fa-
mulum, qui esset substitutus Syndici Aposto-
lici, Provinciæ, vel Conventus, in cuius
districtu est Parochia, deberent illis uti.
Apud Nicolium fosc. v. observ. n. x. Qua-
tenus verò eos habere non possent, &
facultate illâ uterentur, non dicerentur
dispensati in Regula; cum non adesseret dis-
pensatio in rigore; vel relaxatio Præcepti,
sed haberetur solum Regulæ & Juris de-
claratio, quatenus S. Sedes in iis circum-
stantiis declarat Præceptum de pecuniis
non recipiendis non obligare, sicque con-

qui ad prædicationem eorum accesserint, tunc eorum Sacerdotibus valeant confiteri, quatenus ad prædicta suscipienda vestris exhortationibus præparati (tanquam bona, & fructifera terra) pro vitiorum tribulis incipiunt segetes germinare virtutum; & dicti Fratres per cooperationem vestram suscepiti ministerii cursum feliciter consummando, optatum reportent sui laboris fructum, & finem: videlicet Salutem animarum. Quia &c. Datum Viterb. XI. Kal. Jun. Pontificatus anno II. Alias huic similes ad Orbis & Ecclesiarum Prælatos direxerunt Innocentius IV. ex urbe Lugduni. Alexander IV. ex Neapolitana. Hujus litteræ incipiunt: *Patris eterni*. In quibus inter alia pro Fratribus Minoribus annuntiat dictis Prælatis:

Hi sunt: qui vitam & merita Beatissimi Pauli Apostoli contemplantes gloriantur in sola Cruce Domini, sfernendo mundi solertia pro deliciis paradisi. *Hi sunt*: qui hostes animæ per scutum fidei, loricam justitiae, gladium spiritus, salutis galeam, hastam perseverantiae debellantes, obtinere sagunt, ut Catholicis universis, Fidei, Spei, & Charitatis augmenta proveniant, ac perfidis veritatis via pateat, & hæreticæ pravitatis insaniam evanescat. De tantorum siquidem meritorum provenit claritate: quod nos eosdem Fratres in Christo affectu sincerissimo diligamus, & ipsos ubique terrarum, statu gaudere pacifico affectemus, pro re indignâ, & nimis amarâ ducentes; si quis de numero Fidelium, & potissimè Prælatorum, eos aliquibus turbet injuriis, vel offensis. Rogamus itaque devotionem vestram, & per Dei misericordiam obsecramus, per Scripta Apostolica vobis mandantes, ac remissionem vobis peccatorum indulgentes; quatenus illos (qui sunt ex eis, in vestris civitatibus, & Diœcesibus constituti, seu qui ad præsentiam vestram quandounque per-

venerunt,) pro divina & nostra reverentia affabiliter & benignè recipere, eosque vestræ charitatis studeatis affluentia confovere, permittendo: eos uti liberè Regularibus suis Observantiis, & Statutis per Sedem Apostolicam approbatis, Indulgentiis etiam, & litteris; quas circumspecta pietas Sedis ejusdem olim concessisse dignoscitur de gratia sua speciali. Cæterum prædictos Fratres de favoris vestri plenitudine pleniùs honorantes, eis liberaliter concedatis, & quæ sunt opportuna, pro animarum salute, fieri ab eis, auctoritate vestrâ, liberè valeant exerceri; præsertim, cum & ipsi cordi habent ministerium suum ita laudabiliter & prudenter exequi: quod exinde apud vos possint sinceram, & stabilem benevolentiam promereri; preces autem nostras, quas vobis ex intimo cordis affectu dirigimus, sic adimpleat vestra sinceritas, quod propter hoc urbis gratosi favoris præmia opportunè compensemus.) Datum Neapoli. V. Idus April. Pontificatus nostri anno I. Prædictæ litteræ, ut profertur, novissimè confirmatae satè clare demonstrant; quale beat esse præcipuum Fratum Minorum ministerium, quanta erga ipsos Personarum Ecclesiasticorum benevolentia obligatio?

Alia Constitutio Innocentii XI.

IN qua præscribitur modus observandus à FF. Minoribus circa Eleemosynas pro Concionibus oblatas, distributionem librorum, augmentationem Bibliothecarum Ordinis. Innovaturque Excommunicatio S. Sedi reservata contra quoscunque auferentes libros, aliasque Scripturas à Bibliothecis ejusdem Ordinis.

INNOCENTIUS Papa XI.

Ad futuram rei memoriam.

XXIII. *E*xponi Nobis nuper fecit dilectus Filius, Franciscus Diaz à S. Bonav.

Lector